



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ. 010-51-29-53 Էլ փոստ՝ <<Patrol-service@police.am>>

N

91/2941

02.03 2022թ.

Անրի Սահակյանին

Հասցե՝ ք. Երևան, Քանաքեռ 15 փող, 21 տ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180101443 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<3>>թերթ:

Պետ,
ոստիկանության գնդապետ՝

Ա. Ումրշատյան

Կատ. Հ. Հարությունյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 09.02.2022թ-ին կայացված թիվ 8180101443 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<02>> 03 2022թ.

ք.Երևան

Պարեկային ծառայության պետ, ոստիկանության գնդապետ Ա. Ումրշատյանս, վերանայելով Անրի Սահակյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

09.02.2022թ. ժամը 09:05-ի սահմաններում Երևան քաղաքի Սայաթ-Նովա փողոցում քաղաքացի Անրի Սահակյանի վարած <<Տոյոտա>> մակնիշի 01GS011 համարանիշի տրանսպորտային միջոցը կանգնեցվել է Պարեկային ծառայության Երևան քաղաքի գնդի 2-րդ գումարտակի 3-րդ վաշտի պարեկ Արթուր Արզումանյանի կողմից տրանսպորտային միջոցը առանց գործող ԱՊՊԱ պայմանագրի վարելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն, կայացվել է որոշում՝ վերջինիս 100.000 ՀՀ դրամի չափով տուգանելու մասին:

Երևան քաղաքի Քանաքեռ 15 փող, 21 տ. բնակիչ Անրի Սահակյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 09.02.2022թ. կայացված թիվ 8180101443 որոշումը՝ նշելով, որ իր վարած տրանսպորտային միջոցը եղել է ապահովագրված, միաժամանակ ներկայացնելով <<Սիլ Ինշուրանս>> ԱՓԲԸ-ի հետ կնքված SO441528 ԱՊՊԱ պայմանագիրը, համաձայն որի <<Տոյոտա>> մակնիշի 01GS011 հաշվառման համարանիշի տրանսպորտային միջոցը 10.02.2021թ-ի ժամը 00:00-ից մինչև

09.02.2022 թվականն ընկած ժամանակահատվածում ունի գործող ԱՊՊԱ պայմանագիր:

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական ակտը ենթակա է բեկանման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է իրավասու պետական մարմինների կողմից ԱՊՊԱ պայմանագիր չունեցող ավտոտրանսպորտային միջոցները վարելու միջոցով Հայաստանի Հանրապետության տարածք ներմուծում թույլատրելը:

<<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

<<Հայաստանի ավտոապահովագրողների բյուրո>>-ի առցանց համակարգի տվյալների համաձայն՝ <<Տոյոտա>> մակնիշի 01GS011 հաշվառման համարանիշի տրանսպորտային միջոցը 09.02.2022թ-ի ժամը 09:05-ի դրությամբ ունեցել է գործող ԱՊՊԱ պայմանագիր:

<<Վարչարարության հիմունքների և վարչական վարույթի մասին>> ՀՀ օրենքի 31-րդ հոդվածի 1-ին մասի համաձայն՝ նորմատիվ իրավական ակտերով սահմանված ժամկետները հաշվարկվում են տարիներով, ամիսներով, օրերով և ժամերով:


Նույն հոդվածի 7-րդ մասի համաձայն՝ օրերով հաշվարկվող ժամկետը լրանում է այդ ժամկետի վերջին օրը:

Այսպիսով, դիմումատուի արարքում բացակայում է <<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 09.02.2022թ. կայացված 8180101443 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Անրի Սահակյանին և պարեկային ծառայության Երևան քաղաքի գլուխ:

Պետ,
նստիկանության գնդապետ՝



Ա. Ումրշատյան